

ხოზის მუნიციპალიტეტის მეხუთე მოწვევის საკრებულოს ბიუროს სხდომისა

ქ. ხობი

2022 წლის 12 ოქტომბერი

ბიუროს წევრთა კანონით დადგენილი რაოდენობა - 11

ბიუროს უფლებამოსილ წევრთა რაოდენობა - 11

ბიუროს სხდომას ესწრებოდნენ ბიუროს წევრები:

1. ლევან ქავთარაძე
2. მამუკა ქარდავა
3. გოჩა ქაჯაია
4. ნუგზარ შუშანია
5. მედეა თათარიშვილი
6. დოდო გაბუნია
7. ვლადიმერ ქანთარია
8. ლევან ლიპარტია
9. ბექა მამაცაშვილი
10. ია ჯიშკარიანი

ბიუროს სხდომას თავმჯდომარეობდა ლევან ქავთარაძე – საკრებულოს თავმჯდომარე

**დღის წესრიგი:**

1. ხობის მუნიციპალიტეტის მერის დ. ბუკიას 2022 წლის 10 ოქტომბრის N50-502228318 წერილის განხილვა („ხოზის მუნიციპალიტეტის 2022 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2021 წლის 29 დეკემბრის №17 დადგენილებაში ცვლილების შეტანის თაობაზე“ დადგენილების პროექტის შესახებ);

(მომხსენებელი: ლ. ლიპარტია - ხობის მუნიციპალიტეტის საკრებულოს საფინანსო - საბიუჯეტო კომისიის თავმჯდომარე);

2. ხობის მუნიციპალიტეტის მერის დ. ბუკიას 2022 წლის 10 ოქტომბრის N50-502228380 წერილის განხილვა („ხოზის მუნიციპალიტეტის საკუთრებაში არსებული უძრავი და მოძრავი ქონების სახელმწიფო საკუთრებაში უსასყიდლოდ გადაცემის შესახებ“ განკარგულების პროექტის თაობაზე);

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე);

3. ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარის მ. თათარიშვილის 2022 წლის 10 ოქტომბრის N51-51222837 განცხადების განხილვა („სსიპ ხობის მუნიციპალიტეტის სოფელ საჯიჯაოს N1 საჯარო სკოლისთვის სსიპ ხობის მუნიციპალიტეტის სოფელ საჯიჯაოს საჯარო სკოლის სახელის მინიჭებაზე თანხმობის გაცემის თაობაზე“ განკარგულების პროექტის შესახებ);

(მომხსენებელი: მ. თათარიშვილი - ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე);

4. ხობის მუნიციპალიტეტის მერის დ. ბუკიას 2022 წლის 10 ოქტომბრის N50-5022283126 წერილის განხილვა („საქართველოს რეგიონებში განსახორციელებელი პროექტების ფონდიდან ხობის მუნიციპალიტეტში 2022-2023 წლებში დასაფინანსებელი ადგილობრივი თვითმმართველობის პროექტების დაფინანსების მიზნით მომზადებული წინადადების მოწონების შესახებ“ ხობის მუნიციპალიტეტის საკრებულოს 2022 წლის 12 აგვისტოს №16 განკარგულებაში ცვლილების შეტანის თაობაზე“ განკარგულების პროექტის შესახებ)

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე)

კენჭი ეყარა დღის წესრიგის წარმოდგენილ ვარიანტს

კენჭისყრის შედეგები:

მომხრე – 10, წინააღმდეგი – 0

დაადგინეს: დღის წესრიგი დამტკიცდეს წარმოდგენილი სახით

### **დღის წესრიგით გათვალისწინებული საკითხების განხილვა**

1. ხობის მუნიციპალიტეტის მერის დ. ბუკიას 2022 წლის 10 ოქტომბრის N50-502228318 წერილის განხილვა („ხობის მუნიციპალიტეტის 2022 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2021 წლის 29 დეკემბრის №17 დადგენილებაში ცვლილების შეტანის თაობაზე“ დადგენილების პროექტის შესახებ)

(მომხსენებელი: ლ. ლიპარტია - ხობის მუნიციპალიტეტის საკრებულოს საფინანსო - საბიუჯეტო კომისიის თავმჯდომარე)

მოისმინეს: ლ. ლიპარტია - მომხსენებელმა ბიუროს წევრებს გააცნო დადგენილების პროექტი „ხობის მუნიციპალიტეტის 2022 წლის ადგილობრივი ბიუჯეტის დამტკიცების შესახებ“ ხობის მუნიციპალიტეტის საკრებულოს 2021 წლის 29 დეკემბრის №17 დადგენილებაში ცვლილების შეტანის თაობაზე“ და კომისიის დასკვნა

განსახილველ პროექტთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით, წარმოდგენილი ბიუჯეტის ცვლილებების შესახებ დადგენილების პროექტით, 2022 წლის შემოსულობები გაიზარდა 158.6 ათასი ლარით „გრანტებიდან“ (მიზნობრივი ტრანსფერი დელეგირებული უფლებამოსილებების განსახორციელებლად) და განისაზღვრა - 21498,3 ათასი ლარი. გადასახდელები გაიზარდა 721.3 ათასი ლარით და განისაზღვრა -25299,9 ათასი ლარით. ხობის მუნიციპალიტეტის 2022 წლის ადგილობრივ ბიუჯეტში ასევე ხორციელდება შემდეგი ცვლილებები: 2022 წლის 1 იანვრის მდგომარეობით არსებული ნაშთიდან 562,7 ათასი ლარი (ადგილობრივი ბიუჯეტი) მიიმართება შემდეგ ღონისძიებათა დასაფინანსებლად:

პრიორიტეტის „წარმომადგენლობითი და აღმასრულებელი ორგანოების დაფინანსება“ ასიგნებაზე 56,7 ათასი ლარი, აქედან: 9,8 ათასი ლარი - „ტრანსპორტის, ტექნიკისა და იარაღის ექსპლუატაციისა და მოვლა-შენახვის ხარჯები“-ს ეკონომიკური კლასიფიკაციის მუხლის „საწვავ/საპოხი მასალების შექმნა“ ასიგნებაზე; 3,0 ათასი ლარი - ათასი ლარი - „მივლინება“-ს ეკონომიკური კლასიფიკაციის მუხლის „მივლინება ქვეყნის შიგნით“ ასიგნებაზე; 0,6 ათასი ლარი - „ოფისის ხარჯები“-ს ეკონომიკური კლასიფიკაციის მუხლის „მცირეფასიანი საოფისე ტექნიკის შექმნა და დამონტაჟება“. 28,8 ათასი ლარი - „ტრანსპორტის, ტექნიკისა და იარაღის ექსპლუატაციისა და მოვლა-შენახვის ხარჯები“. 5,0 ათასი ლარი - „სოციალური უზრუნველყოფა“-ს ეკონომიკური კლასიფიკაციის მუხლის „სოციალური დახმარება (ფულადი ფორმით)“. 5,2 ათასი ლარი - „არაფინანსური აქტივები“-ს ეკონომიკური კლასიფიკაციის მუხლის „სხვა მანქანა-დანადგარები და ინვენტარი“. 4,3 ათასი ლარით - ქვეყნის თავდაცვისუნარიანობის ამაღლების ხელშეწყობა ასიგნება, „ტრანსპორტის, ტექნიკისა და იარაღის ექსპლუატაციისა და მოვლა-შენახვის ხარჯები“-პრიორიტეტის „ინფრასტრუქტურის მშენებლობა, რეაბილიტაცია და ექსპლუატაცია“ ასიგნებაზე 506,0 ათასი ლარი, აქედან: 400,0 ათასი ლარი - ხეთის ადმინისტრაციული ერთეულის კორცხოს უბანში დამეწყრილ შიდა სასოფლო გზაზე გადაუდებელი პრევენციული ღონისძიებების განხორციელების სამუშაოების ასიგნებაზე; 5,0 ათასი ლარი - ქ. ხობში მრავალფუნქციური სპორტდარბაზის გაუმჯობესების შიდა ქსელის მოწყობის სამუშაოების ასიგნებაზე; 5,0 ათასი ლარი - სს „ენერგოპრო ჯორჯია“-ს კუთვნილი საჰაერო ელექტროგადამცემი ხაზის ხობის ცენტრალური პარკის ტერიტორიიდან გადატანა-რეკონსტრუქციის სამუშაოების საპროექტო სახარჯთაღრიცხვო დოკუმენტაციის შედგენა; 96,0 ათასი ლარი - ხობის მუნიციპალიტეტში, ხეთის ადმინისტრაციულ ერთეულში ღელე შხერულაზე ნაპირსამაგრი სამუშაოების ასიგნებაზე. გამომსვლელის განცხადებით, წარმოდგენილი დადგენილების პროექტი მომზადებულია

კანონის მოთხოვნათა შესაბამისად და კომისიას მიზანშეწონილად მიაჩნია საკრებულოს სხდომაზე მისი გატანა შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

**კენჭისყრის შედეგები:**

**მომხრე - 10, წინააღმდეგი - 0**

**დაადგინეს:** წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში

2. ხობის მუნიციპალიტეტის მერის დ. ბუკიას 2022 წლის 10 ოქტომბრის N50-502228380 წერილის განხილვა („ხობის მუნიციპალიტეტის საკუთრებაში არსებული უძრავი და მოძრავი ქონების სახელმწიფო საკუთრებაში უსასყიდლოდ გადაცემის შესახებ“ განკარგულების პროექტის თაობაზე)

(მომხსენებელი: ვ. ქანთარია - ხობის მუნიციპალიტეტის საკრებულოს ეკონომიკისა და ქონების მართვის საკითხთა კომისიის თავმჯდომარე)

**მოისმინეს:** ვ. ქანთარია - მომხსენებელმა ბიუროს წევრებს გააცნო განკარგულების პროექტი „ხობის მუნიციპალიტეტის საკუთრებაში არსებული უძრავი და მოძრავი ქონების სახელმწიფო საკუთრებაში უსასყიდლოდ გადაცემის შესახებ“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით სახელმწიფო ქონების ეროვნული სააგენტოდან შემოვიდა წერილები შავდელის და ახალი ხიბულის ადმინისტრაციულ ერთეულებში არსებული ამბულატორიების სახელმწიფოსთვის უსასყიდლოდ გადაცემის შესახებ, შემდგომში მისი ა(ა)იპ „საქართველოს სამედიცინო ჰოლდინგისთვის“ გადაცემის მიზნით. ზემო აღნიშნული წინადადების საფუძველზე, მერიის მხრიდან, მიზანშეწონილად ჩაითვალა მოთხოვნილი ქონების სახელმწიფოსთვის გადაცემა ამბულატორიების ინფრასტრუქტურული მდგომარეობის გაუმჯობესების მიზნით. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები.

**აზრი გამოთქვას:** ი. ჯიშკარიანი - საკრებულოს ფრაქცია „ერთიანი ნაციონალური მოძრაობის თავმჯდომარე“ - გამომსვლელმა განაცხადა, რომ ის წინააღმდეგია ახალი ხიბულის ამბულატორიის ტერიტორიის სახელმწიფოსთვის გადაცემის, შენობა ამორტიზებულია, მაინც უნდა დაინგრეს, ამიტომ უპრიანია ამბულატორიის ასაშენებლად სხვა ტერიტორია გამოიყოს დაბლობზე ადმინისტრაციული ერთეულის ცენტრისკენ, რაც მოსახლეობისთვისაც მისადგომად უფრო ხელსაყრელი იქნება, რადგან აღნიშნული ამბულატორია ამ ეტაპზე განთავსებულია უმშვენიერეს ამაღლებულ გორაკზე, რომელსაც ირგვლივ გააჩნია ულამაზესი გამწვანება და ხედები და მოსახლეობის დიდი სურვილია ამ ადგილზე აშენდეს ეკლესია. გამომდინარე აქედან არ ეთანხმება აღნიშნული ტერიტორიის გადაცემას სახელმწიფოსთვის. გამომსვლელმა თხოვნით მიმართა ბიუროს წევრებს თუ შესაძლებელი იქნებოდა, წარმოდგენილი ფართი შეეცვალათ ალტერნატიული ტერიტორიით.

**ლ. ქავთარაძე, დ. გაბუნია** - გამომსვლელებმა განაცხადეს, რომ წარმოდგენილ წინადადებასთან დაკავშირებით ბიუროს სხდომაზე მოეწვიათ, მერიის შესაბამისი სამსახურის წარმომადგენლები, რომლებიც დეტალურად გასცემდნენ პასუხს, შესაძლებელი იქნებოდა თუ არა ალტერნატიული ფართის მოძიება და გადაცემა.

ბიუროს ყველა წევრი დაეთანხმა წინადადებას, მოეწვიათ მერიის ეკონომიკური განვითარებისა და ქონების მართვის სამსახურის უფროსი ა. ვარდია და მუნიციპალური ქონების მართვის, ბუნებრივი რესურსებისა და ადგილობრივი მოსკრებლების განყოფილების უფროსი მ. რუხაძე

**ლ. ქავთარაძე** - მიმართა მერიის წარმომადგენლებს, ახალი ხიბულის ადმინისტრაციულ ერთეულში არსებული ამბულატორიის ტერიტორიის სანაცვლოდ, შესაძლებელი იყო თუ არა სახელმწიფოსთვის ალტერნატიული ფართის შეთავაზება? რადგანაც მოსახლეობის სურვილი იყო არსებული ამბულატორიის ტერიტორიაზე ეკლესიის აშენება.

ბიუროს ყველა წევრმა გამოხატა თანხმობა, გაეთვალისწინებინათ მოსახლეობის მოთხოვნა და შეეთავაზებინათ ალტერნატიული ფართი ახალი ამბულატორიის ასაშენებლად.

**ა. ვარდია, მ. რუხაძე** - გამომსვლელებმა განაცხადეს, რომ ახალი ხიბულის ადმინისტრაციული ერთეულის ცენტრში იყო ალტერნატიული ფართი, რომელსაც

შესთავაზებდნენ სახელმწიფოს ა(ა)იპ „საქართველოს სამედიცინო კოლდინდს“ და თანხმობის შემთხვევაში, ინფორმაციას წარმოადგენდნენ საკრებულოს სხდომაზე.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 10, წინააღმდეგი - 0

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში.

3. ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარის მ. თათარიშვილის 2022 წლის 10 ოქტომბრის N51-51222837 განცხადების განხილვა („სსიპ ხობის მუნიციპალიტეტის სოფელ საჯიჯაოს N1 საჯარო სკოლისთვის სსიპ ხობის მუნიციპალიტეტის სოფელ საჯიჯაოს საჯარო სკოლის სახელის მინიჭებაზე თანხმობის გაცემის თაობაზე“ განკარგულების პროექტის შესახებ)

(მომხსენებელი: მ. თათარიშვილი - ხობის მუნიციპალიტეტის საკრებულოს იურიდიულ, სამანდატო - საპროცედურო და ეთიკის კომისიის თავმჯდომარე)

მოისმინეს: მ. თათარიშვილი - მომხსენებელმა ბიუროს წევრებს გააცნო განკარგულების პროექტი „სსიპ ხობის მუნიციპალიტეტის სოფელ საჯიჯაოს N1 საჯარო სკოლისთვის სსიპ ხობის მუნიციპალიტეტის სოფელ საჯიჯაოს საჯარო სკოლის სახელის მინიჭებაზე თანხმობის გაცემის თაობაზე“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ სსიპ ხობის მუნიციპალიტეტის სოფელ საჯიჯაოს N1 საჯარო სკოლის დირექტორის მიერ საკრებულოში წარმოდგენილ იქნა სამეურვეო საბჭოს სხდომის ოქმი, სადაც განხილულია სამეურვეო საბჭოს ინიციატივა სსიპ ხობის მუნიციპალიტეტის სოფელ საჯიჯაოს N1 საჯარო სკოლისთვის სახელის შეცვლის შესახებ. „ხობის მუნიციპალიტეტის ადმინისტრაციულ ერთეულად დაყოფის შესახებ“ ხობის მუნიციპალიტეტის საკრებულოს 2014 წლის 28 ივლისის N26 დადგენილებაში ცვლილების შეტანის თაობაზე“ ხობის მუნიციპალიტეტის საკრებულოს 2021 წლის 31 აგვისტოს N13 დადგენილების თანახმად, საჯიჯაოს ადმინისტრაციული ერთეულის გაყოფის შედეგად გაღმა საჯიჯაო ჩამოყალიბდა ცალკე დამოუკიდებელ ადმინისტრაციულ ერთეულად, რომელსაც მინიჭებული ჰქონდა საჯიჯაოს N2 საჯარო სკოლის სახელი, რადგანაც ამ ეტაპზე გაღმა საჯიჯაო წარმოადგენს ცალკე დამოუკიდებელ ადმინისტრაციულ ერთეულს, ხოლო საჯიჯაოს ადმინისტრაციულ ერთეულში ფუნქციონირებს ერთი სკოლა შესაბამისად არ არის საჭიროება სკოლის

დანომვრის. ზემო აღნიშნულის გამო სამეურვეო საბჭოს გადაწყვეტილებით მიზანშეწონილად იქნა მიჩნეული სკოლის სახელწოდების ცვლილება და შემდეგი რედაქციით ჩამოყალიბება: „სსიპ ხობის მუნიციპალიტეტის სოფელ საჯიჯაოს საჯარო სკოლა“. საკრებულოს იურიდიულ, სამანდატო - საპროცედურო და ეთიკის კომისიის მიერ მომზადდა განკარგულების პროექტი: „სსიპ ხობის მუნიციპალიტეტის სოფელ საჯიჯაოს NI საჯარო სკოლისთვის სსიპ ხობის მუნიციპალიტეტის სოფელ საჯიჯაოს საჯარო სკოლის სახელის მინიჭებაზე თანხმობის გაცემის თაობაზე“. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 10, წინააღმდეგი - 0

დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში.

4. ხობის მუნიციპალიტეტის მერის დ. ბუკიას 2022 წლის 10 ოქტომბრის N50-5022283126 წერილის განხილვა („საქართველოს რეგიონებში განსახორციელებელი პროექტების ფონდიდან ხობის მუნიციპალიტეტში 2022-2023 წლებში დასაფინანსებელი ადგილობრივი თვითმმართველობის პროექტების დაფინანსების მიზნით მომზადებული წინადადების მოწონების შესახებ“ ხობის მუნიციპალიტეტის საკრებულოს 2022 წლის 12 აგვისტოს №16 განკარგულებაში ცვლილების შეტანის თაობაზე“ განკარგულების პროექტის შესახებ)

(მომხსენებელი: ბ. მამაცაშვილი - ხობის მუნიციპალიტეტის საკრებულოს ინფრასტრუქტურისა და სივრცით - ტერიტორიული დაგეგმარების კომისიის თავმჯდომარე)

მოისმინეს: ბ. მამაცაშვილი - მომხსენებელმა ბიუროს წევრებს გააცნო განკარგულების პროექტი „საქართველოს რეგიონებში განსახორციელებელი პროექტების ფონდიდან ხობის მუნიციპალიტეტში 2022-2023 წლებში დასაფინანსებელი ადგილობრივი თვითმმართველობის პროექტების დაფინანსების მიზნით მომზადებული წინადადების

მოწონების შესახებ“ ხობის მუნიციპალიტეტის საკრებულოს 2022 წლის 12 აგვისტოს №16 განკარგულებაში ცვლილების შეტანის თაობაზე“ და კომისიის დასკვნა წარმოდგენილ საკითხთან დაკავშირებით (ოქმს თან ერთვის) და აღნიშნა, რომ ხობის მუნიციპალიტეტის მერიის განმარტებით, სამეგრელო-ზემო-სვანეთის სამხარეო ადმინისტრაციიდან მიღებული რეკომენდაციის საფუძველზე „საქართველოს რეგიონებში განსახორციელებელი პროექტების ფონდიდან ხობის მუნიციპალიტეტში 2022-2023 წლებში დასაფინანსებელი ადგილობრივი თვითმმართველობის პროექტების დაფინანსების მიზნით მომზადებული წინადადების მოწონების შესახებ“ ხობის მუნიციპალიტეტის საკრებულოს 2022 წლის 12 აგვისტოს №16 განკარგულებაში შეტანილ იქნა ცვლილებები, კერძოდ: ხობის მუნიციპალიტეტში 2022-2023 წლებში დასაფინანსებელი ადგილობრივი თვითმმართველობის პროექტების ჩამონათვალი განკარგულებას დაემატა დანართის სახით, სადაც ასახულია პროექტის საერთო ღირებულება, აქედან სახელმწიფოს მიერ დაფინანსებული თანხა ცალკეა ასახული, ხოლო ადგილობრივი ბიუჯეტიდან თანადაფინანსებით დამატებული თანხა ცალკეა მითითებული, დანართში ასევე აისახა პროექტის განხორციელების სავარაუდო ვადები. აღნიშნულის გათვალისწინებით, ხობის მუნიციპალიტეტის მერიის ინფრასტრუქტურის, ურბანული განვითარებისა და არქიტექტურის სამსახურის მიერ მომზადდა განკარგულების პროექტი „საქართველოს რეგიონებში განსახორციელებელი პროექტების ფონდიდან ხობის მუნიციპალიტეტში 2022-2023 წლებში დასაფინანსებელი ადგილობრივი თვითმმართველობის პროექტების დაფინანსების მიზნით მომზადებული წინადადების მოწონების შესახებ“ ხობის მუნიციპალიტეტის საკრებულოს 2022 წლის 12 აგვისტოს №16 განკარგულებაში ცვლილების შეტანის თაობაზე“. გამომსვლელის განცხადებით, წარმოდგენილი განკარგულების პროექტი აკმაყოფილებს საქართველოში მოქმედ კანონმდებლობას და კომისიას მიზანშეწონილად მიაჩნია მისი წარმოდგენილი სახით გატანა საკრებულოს სხდომაზე შესაბამისი გადაწყვეტილების მისაღებად.

სხდომის თავმჯდომარემ მიმართა ბიუროს წევრებს, წარმოდგენილ პროექტთან დაკავშირებით გამოეთქვათ მოსაზრებები, მაგრამ ბიუროს წევრების მხრიდან განსხვავებული მოსაზრება არ გამოთქმულა.

კენჭი ეყარა წინადადებას წარმოდგენილი პროექტის საკრებულოს სხდომის დღის წესრიგში შეტანის თაობაზე

კენჭისყრის შედეგები:

მომხრე - 10, წინააღმდეგი - 0



დაადგინეს: წარმოდგენილი განკარგულების პროექტი შეტანილ იქნეს საკრებულოს სხდომის დღის წესრიგში.

დღის წესრიგით გათვალისწინებული საკითხების განხილვის შემდეგ ბიუროს სხდომა დახურულად გამოცხადდა.

სხდომის თავმჯდომარე



ლევან ქავთარაძე